

Na osnovu člana 2.2. i 2.12. Izbornog zakona Bosne i Hercegovine (Sl. glasnik BiH broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16) , člana 7. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini (Sl. glasnik BiH broj 9/10, 37/10, 74/11, 11/16), člana 1. Odluke o raspisivanju javnog oglasa za imenovanje jednog člana Općinske izborne komisije Teočak, Općinsko vijeće Teočak r a s p i s u j e:

J A V N I O G L A S

za imenovanje jednog člana Općinske izborne komisije Teočak

Član 1.

Raspisuje je javni oglas za imenovanje jednog člana Općinske izborne komisije Teočak.

Članove Općinske izborne komisije Teočak imenuje Općinsko vijeće Teočak uz saglasnost Centralne izborne komisije Bosne i Hercegovine na period od 7 (sedam) godina, koji traje od dana dobivanja saglasnosti.

Uslovi, koje kandidat za člana Općinske izborne komisije treba ispunjavati su slijedeći:

Opći uslovi propisani članom 2.2. Izbornog zakona BiH:

- Član Općinske izborne komisije je osoba sa pravom glasa,
- Član Općinske izborne komisije je osoba sa odgovarajućom stručnošću i iskustvom na provedbi izbora,

Pored općih uslova propisanim članom 2.2. Izbornog zakona BiH, član Općinske izborne komisije mora ispunjavati i posebne uslove:

- da imaju prebivalište u općini Teočak,
- da imaju završen pravni fakultet, odnosno VII/1 stepen stručne spremlje društvenog smjera ili završenu višu odnosno VI/1 stepen stručne spremlje društvenog smjera,
- da posjeduje iskustvo u provođenju izbora,

Izuzetno, član Općinske izborne komisije može biti osoba koja ima završen pravni fakultet, odnosno VII/1 stručne spremlje a da ne posjeduje iskustvo u provedbi izbora.

Pod iskustvom u provedbi izbora, podrazumijeva se:

- a) članstvo u izbornoj komisiji,
- b) članstvo u biračkom odboru,
- c) rad u stručnim organima u provedbi izbora,

Za člana Općinske izborne komisije po članu 2.3. Izbornog zakona BiH NE MOŽE biti imenovana osoba:

1. koja se ne može kandidovati u smislu odredbi člana 1.6., 1.7. i 1.7. (a) Izbornog zakona BiH,
2. koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
3. koja je nosilac izabranog mandata ili je član izvršnog organa vlasti, osim u slučajevima predviđenim članom 2.12.tačka 4. ovog zakona,
4. koja je kandidat za izbor za bilo koje organe vlasti,
5. kojoj je izrečena kazna za težu povredu izbornog zakona ili propisa za koji je lično odgovorna u posljednje četiri godine računajući od dana pravosnažnosti odluke.

Član Općinske izborne komisije po članu 2.12. tačka 7. Izbornog zakona BiH NE MOŽE biti zastupnik, odnosno punomoćnik političkog subjekta, koji učestvuje na izborima ili osoba koja je pravomoćnom sudskom presudom osuđena na kaznu zatvora u trajanju od šest mjeseci ili duže.

Član 2.12. tačka 4. Izbornog zakona BiH : Član Općinske izborne komisije MOŽE BITI predsjednik ili sudija redovnog suda, sekretar Općinskog vijeća, odnosno Skupštine općine Gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. ovog Zakona, a nemaju smetnji iz člana 2.3. ovog Zakona.

Uz prijavu na javni oglas potrebno je dostaviti slijedeću dokumentaciju:

1. kraća biografija sa ličnim podacima kandidata (ime, prezime, ime oca, jedinstveni matični broj, tačna adresa, broj telefona za kontakt, kao i podatke o kretanju u službi),
2. ovjerena fotokopija diplome o završenom stepenu i vrsti stručne spreme,
3. dokaz o izbornom iskustvu za kandidata (potvrda Općinske izborne komisije o radu na biračkom mjestu, rješenje o imenovanju u općinsku izbornu komisiju ili birački odbor ili neki drugi dokaz koji može potvrditi da kandidat ima izbornu iskustvo),
4. svojeručno potpisana izjava o nacionalnoj pripadnosti,
5. svojeručno potpisana izjava o nepostojanju smetnji iz člana 2.3. Izbornog zakona BiH (da nije član najvišeg izvršno-političkog tijela političke stranke ili koalicije, da nije kandidat za izbore za bilo koji nivo vlasti, da nije izrečena kazna za težu povredu izbornog zakona ili propisa za koji je lično odgovorna, u posljednje četiri godine računajući od dana pravosnažnosti odluke).
6. fotokopija lične karte i uvjerenja o prebivalištu izdatog od strane CIPS,
7. popunjen upitnik Centralne izborne komisije

Napomena: Upitnik Centralne izborne komisije može se dobiti na pisarnici općine Teočak.

Javni oglas će se objaviti u dnevnim novinama „Oslobođenje“ , web stranici općine Teočak i Radiju „Glas Drine“ Sapna.

Ovaj oglas ostaje otvoren 8 (osam) dana od dana objavljivanja.

Po zatvaranju javnog oglasa, Komisija za provođenje postupka po javnom oglasu- Konkursna komisija će prema dostavljenoj dokumentaciji izvršiti klasifikaciju kandidata i neće uvažavati naknadno dostavljena dokumenta.

Sa kandidatima koji ispunjavaju uslove javnog oglasa Konkursna komisija će obaviti intervju, nakon čega će sačiniti rang listu sa redoslijedom kandidata, prema uspjehu postignutom na intervju.

Nadležni organ-Općinsko vijeće Teočak, će cijeneći položaj kandidata na rang listi izvršiti imenovanje i svoju Odluku dostaviti na saglasnost Centralnoj izbornoj komisiji BiH.

Nepotpune i neblagovremene prijave neće biti uzete u razmatranje.

Prijave na javni oglas dostaviti u zatvorenim kovertama sa naznakom „**Javni oglas za imenovanje člana Općinske izborne komisije- NE OTVARAJ**“ na slijedeću adresu:

**Komisija za provođenje postupka po javnom oglasu- Konkursna komisija
Centar bb
75 414 Teočak.**

Za sve dodatne informacije možete dobiti na telefon: 035/755-319

Predsjedavajući-a Općinskog vijeća Teočak

Suvada Džuzdanović,s.r.